



KENYATAAN MEDIA

SITUASI TERKINI JANGKITAN COVID-19

DI NEGARA BRUNEI DARUSSALAM

24 Ramadhan 1441 / 18 Mei 2020

1. Kementerian Kesihatan ingin memaklumkan kepada orang ramai bahawa pada hari ini, Isnin, 24 Ramadhan 1441H bersamaan 18 Mei 2020M, Alhamdulillah dengan izin Allah Subhanahu Wa Ta'Ala jua, **tidak ada kes baru** jangkitan COVID-19 telah disahkan di negara ini. Ini bermakna **jumlah keseluruhan kes COVID-19 di negara ini kekal seramai 141 orang.**
2. Sementara itu, **tidak ada kes** telah disahkan sembuh dari COVID-19 pada hari ini, menjadikan **jumlah keseluruhan yang telah sembuh kekal seramai 136 orang.** Oleh yang demikian, jumlah kes aktif yang masih dirawat di Pusat Pengasingan Kebangsaan pada ketika ini ialah seramai **4 kes.** Daripada jumlah tersebut, 2 daripadanya masih dalam keadaan kritikal. Walau bagaimanapun, hanya seorang sahaja yang masih memerlukan bantuan mesin tambahan *heart/lung machine (ECMO)* dan mesin pernafasan, manakala

seorang lagi kini hanya memerlukan bantuan mesin pernafasan sahaja. Selebihnya adalah dalam keadaan yang baik.

3. Pada ketika ini, seramai **101 orang** sedang menjalani kurantin menurut Akta Penyakit Berjangkit Penggal 204 manakala jumlah keseluruhan mereka yang telah menamatkan tempoh kurantin ialah seramai **2,578 orang**.
4. Dalam tempoh 24 jam yang lalu, sebanyak 193 sampel telah diuji bagi virus SARS-CoV-2 yang membawa jumlah keseluruhan ujian makmal dijalankan sejak Januari 2020 kepada 17,414 ujian.
5. Seterusnya, Kementerian Kesihatan ingin mengingatkan orang ramai untuk tidak merasa selesa dan leka dengan pengurangan langkah-langkah sekatan yang telah dimulakan. Walaupun, jangkitan COVID-19 di negara kita adalah dalam keadaan terkawal, namun kita masih dalam ancaman wabak tersebut. Dari itu, Kementerian Kesihatan ingin mengingatkan kepada orang ramai untuk terus berusaha untuk meningkatkan kewaspadaan dengan mengikut nasihat-nasihat dari pihak Kerajaan seperti tidak mengunjungi tempat-tempat yang ramai orang, mengamalkan penjarakan fizikal dimana saja berada dan tidak membawa warga emas dan anak-anak damit keluar rumah jika tidak perlu. Orang ramai yang mempunyai risiko tinggi adalah disyorkan

untuk menggunakan penutup muka dan bagi yang tidak atau kurang sihat untuk tidak keluar rumah kecuali atas sebab-sebab tertentu sahaja. Ini adalah disamping sentiasa mengamalkan kebersihan diri bagi mengelakkan kemungkinan penularan jangkitan terjadi. Kita tidak mahu senario jangkitan penularan semula berlaku ataupun dimana kita perlu memperketatkan semula sekatan-sekatan yang telah dilaksanakan. Di sini Kementerian Kesihatan tidak akan teragak-agak untuk menutup serta mengambil tindakan undang-undang ke atas mana-mana premis-premis dan restoran-restoran terutama sekali gerai-gerai yang tidak mematuhi peraturan. Tindakan undang-undang juga akan diambil ke atas orang ramai yang tidak mengendahkan atau melanggar peraturan dan arahan yang telah ditetapkan.

6. Untuk maklumat lanjut dan perkembangan terkini, orang ramai boleh melayari laman web Kementerian Kesihatan iaitu **www.moh.gov.bn** atau menghubungi **Talian Nasihat Kesihatan 148** atau melalui aplikasi **BruHealth** atau **healthinfo.gov.bn**.

**Selamat menunaikan ibadah puasa. Sama-samalah kita
mempertingkatkan amal ibadah kita di penghujung
Ramadhan ini dan berdoa semoga Allah Subhanahu Wa
Ta'ala memberikan kesembuhan kepada semua pesakit
terutama sekali yang berada di Pusat Pengasingan**

**Kebangsaan dan agar Negara Brunei Darussalam sentiasa
terlindung dari wabak COVID-19.
Aamiin Aamiin Ya Rabbal Alamiin**

- TAMAT -

Rujukan : KK/PR/2

Tarikh : 24 Ramadhan 1441H / 18 Mei 2020